

О'zbekiston Respublikasi
Vazirlar Mankamasining
Qarori



ПОСТАНОВЛЕНИЕ
КАБИНЕТА МИНИСТРОВ
РЕСПУБЛИКИ УЗБЕКИСТАН

24 август 2018 й.г.

№ 684

Toshkent sh.

**Донни қайта ишловчи корхоналарни қўшимча равиша қўллаб-қувватлаш
ва уларнинг экспорт салоҳиятини ошириш чора-тадбирлари тўғрисида**

Ўзбекистон Республикаси Президентининг “Ташқи бозорларда маҳаллий товарлар экспорт қилинишини рағбатлантириш ва рақобатдошлигини таъминлаш юзасидан қўшимча чора-тадбирлар тўғрисида” 2017 йил 15 декабрдаги ПФ-5286-сон Фармони ва “Ўзбекистон Республикаси Қишлоқ хўжалиги вазирлиги фаолиятини ташкил этиш чора-тадбирлари тўғрисида” 2018 йил 17 апрелдаги ПҚ-3671-сон карори ижросини таъминлаш ҳамда иқтисодиёт тармоқлари ва республика худудларининг экспорт салоҳиятини ошириш мақсадида Вазирлар Маҳкамаси қарор қиласди:

1. Хўжалик юритувчи субъектларга (кейинги ўринларда хўжалик юритувчи субъектлар деб аталади), уларнинг ташкилий-хуқуқий шаклидан қатъи назар, ўзлари импорт қилган донни қайта ишлаш орқали ишлаб чиқарилган унни экспорт қилишига рухсат берилсин.

Бунда хўжалик юритувчи субъектлар томонидан экспорт қилинадиган ун миқдори улар томонидан импорт қилинган дон миқдорининг 75 фоизидан ортиқ бўлиши мумкин эмас.

2. Белгилаб қўйилсинки:

2018 йилнинг 1 сентябридан бошлаб донни қайта ишловчи корхоналарнинг маҳсулотлари учун қўшилган қиймат солиғи бўйича солиқ солинадиган айланма тушум ҳажмидан дон қийматини чиқариб ташлаб ҳисоблаш тартиби жорий этилсин;

2019 йилнинг 1 январига қадар донни қайта ишловчи корхоналар дон, ун ва нонни сотишда давлат мақсадли жамғармаларига мажбурий ажратмалардан озод этилади;

2020 йилнинг 1 январига қадар иловадаги рўйхатга мувофиқ Ўзбекистон Республикасига олиб кириладиган дон маҳсулотлари божхона тўловларини (божхона йигимлари бундан мустасно) тўлашдан озод этилади.

3. Белгилаб қўйилсинки, Ўзбекистон Республикаси Давлат божхона қўмитаси экспорт шартномаларини ҳисобга қўйишида ушбу қарорнинг 1-бандида кўрсатилган шартларнинг хўжалик юритувчи субъектлар томонидан бажарилиши назорат қилишини таъминлайди.

4. Ўзбекистон Республикаси Молия вазирлиги Иқтисодиёт вазирлиги ва “Ўздонмаҳсулот” АК билан биргаликда икки ҳафта муддатда “Ўздонмаҳсулот” АК тизимидағи корхоналарни ҳамда нон ишлаб чиқарувчиларни молиявий соғломлаштириш ва уларнинг рентабеллигини таъминлаш мақсадида ун ва нон нархини шаклантириш тартибини такомиллаштириш бўйича Ўзбекистон Республикаси Вазирлар Маҳкамасига таклиф киритсин.

5. Мазкур қарорнинг бажарилишини назорат қилиш Ўзбекистон Республикаси Бош вазирининг ўринбосарлари Н.С. Отажонов, З.Т. Мирзаев ва Ўзбекистон Республикаси Давлат божхона қўмитаси раиси М.Б. Азимов зиммасига юклансин.

Ўзбекистон Республикасининг
Бош вазари

А. Арипов



Вазирлар Маҳкамасининг
2018 йил 24 августдаги
684-сон қарорига
илова

**Ўзбекистон Республикасига олиб киришда божхона тўловларидан
озод этиладиган дон маҳсулотлари рўйхати**

№	Маҳсулотлар номи	ТИФ ТН коди
1	Қаттиқ уруғлик буғдой	1001110000
2	Уруғлик буғдой, қаттиқ буғдойдан ташқари	100191
3	Озиқа ёки ноозиқа қаттиқ буғдой	1001190000
4	Озиқа ёки ноозиқа буғдой, қаттиқ буғдойдан ташқари	1001990000
5	Қайта ишланмаган арпа	1003900000
6	Маккажӯхори, ширинидан ташқари	1005900000
7	Қайта ишланмаган тарик	1008290000